



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CLXXIII. Ioannis Papae VIII. Ad VVibbodym Episcopvm. Vt vna cum
legatis, quos ad Carolomanum mittit, eat, vel aliquem vice sua mittat.
arguit, quod bona Angelbergae diripi non prohibuerit. ...

urn:nbn:de:hbz:466:1-15967

pervos sancta Romana ecclesia fuerit exaltata, atque defensa, vester honor, & gloria hic, & in futuro sine dubio coram Domino multiplicata manebit. Data ut supra.

EPISTOLA CLXXIII.

IOANNIS PAPÆ VIII.

AD VVIBBODVM EPISCOPVM.

Vt una cum legatis, quos ad Carolomanum mittit, eat, vel aliquem vice sua mittat. arguit, quod bona Angelbergæ diripi non prohibuerit. hortatur ut ea recuperanda curet.

Vvibbodo episcopo.

QONIAM præ omnibus, qui in his videntur consistere partibus, Deo dilectis sacerdotibus, te utpote carissimum filium, & fratrem vnam specialius diligimus, & pro tanta tua sinceritatis deuotione, quam circanos, & sedem apostolicâ habere dignosceris toto mentis affectu amplectimur; & idcirco reverentiam tuam pio nobis amore coniunctam cupimus apostolica semper benignitate fouere, auctoritate fulcire. Nunc igitur dilectioni tuae notum esse volumus quia pro tot & tantis calamitatibus, quas, sicut ipse bene cognoscis, assidue patimur, hos praesentes missos nostros direximus per te quasi per quoddam ostium intraturos spirituali filio nostro Carolomanno glorioso regi, cum quibus sane, aut ipse in seruitium sancti Petri alacriter ire, omnemque nostræ voluntatis causam, & necessitatem apud eumdem regem perficere studeas, aut fidelissimum & idoneum a latere tuo virum dirigas, qui vicem tuam in omnibus sagaciter possit explere. Nam tuo consilio, & adiutorio ... eosdem legatos nostros munias hortamur, quatenus sedis apostolicæ legationem, prout dignum est, & instantis temporis necessitas exigit, Deo propitio, perficere possint. Et quia eos sine tarditate ire, ac reuerti præcepimus, ne ultra tres dies illos penes te retinere procures; sed habito mox consilio quatenus salvi & securi ad iam dictum regem proficiscantur, aut nullatenus demorentur. Quod si fortasse ad Carolomanum pro eius corpore infirmitate ire non posse contigerit, ad Carolum regem ipsius germanum eos quocumque mo-

Concil. Tom. 24.

A a

do proficisci facito. Præterea veridico multorum relatu longe lateque resonante didicimus, quod res & possessio-
nes dilectæ ac spiritalis filiæ nostræ, & sancti Petri com-
mendatae Angelbergæ imperatricis sint a quibusdam ma-
lefactoribus omnimodis deprædatae, non solum quæ foris
extitere in agris & villis, sed etiam quæ intus per venerabili-
lia, & non violanda loca sanctorum monasteriorum reposi-
tæ fuerant: pro quo scilicet tam immani scelere, nefando-
que piaculo sanctimoniam tuam merito redarguimus.
Quoniam sacerdotii tui officium est, male agentes aucto-
ritate diuina corrigere, verbisque salubribus cohibere, ne
tacendo tales, proh dolor! imitari potius quam prohibere
videaris. Est enim ex hoc pessima fama vniuersum discur-
rens per orbem, quod dominam quondam, & imperatri-
cem vestram, cui vestram fidem per iusurandum dedi-
stis, male tractatis, cui pristinum honorem, dignamque
reuerentiam semper exhibere debueratis. Nunc itaque
pro amore sancti Petri, sub cuius speciali defensione con-
fistit, eam adiuuare non prætermittas, quo usque sua om-
nia quæ iniuste perdidit, * possit. Data ut supra.

* f. deg
recupe-
rate

EPISTOLA CLXXIV.

IOANNIS PAPÆ VIII.

AD MICHAELEM REGEM BVLGARORVM.

Hortatur ut ad obedientiam Romanæ ecclesiæ, a qua
seductus recesserat, cum sua gente reuertatur.

Dilecto filio Michaeli regi Bulgarorum.

QVIA VOS OMNIPOTENS Deus dono gratuitæ misericor-
diaz suæ, gentemque vestram ad cognitionem sui no-
minis vocare dignatus est, meminisse debeat is hoc quod
Matth. 16. Dominus beato Petro apostolo dixit: *Tu es Petrus, & super
hanc petram ædificabo ecclesiam meam:* cui vos in primordio
Christianitatis vestræ ad regendum commisisti, eiusque
successoribus ad obediendum. Sed nescio qua ratione ab
eius magisterio, calliditate quorundam estis abducti,
Galat. 3. ita ut cum Apostolo dicamus: *Quis vos fascinavit ei non
obedire, cui dudum colla summissis?* aut illis credidisti, ut
pace Græcorum loquamur, qui quotidie nouis, & variis